



REPUBLIKA E SHQIPËRISË
AUTORITETI I KONKURRENCËS
KOMISIONI I KONKURRENCËS

VENDIM

Nr. 591, Datë 31. 01. 2019

“Mbi autorizimin e përqendrimit të realizuar nëpërmjet krijimit të një sipërmarrje të përbashkët të tre shoqërive të reja (Joint Venture) me funksione të plota dhe kontroll të përbashkët nga LG Electronics Inc.dhe Lufthansa Technik AG”.

Komisioni i Konkurrencës me pjesëmarrjen e:

Znj. Juliana LATIFI	Kryetar
Z. Eduard YPI	Zv/Kryetar
Znj. Leida MATJA	Anëtar
Znj. Adriana BERBERI	Anëtar
Z. Helidon BUSHATI	Anëtar

Në mbledhjen e tij të datës 31, 01, 2019, shqyrtoi çështjen me:

Objekti: Autorizimi i përqendrimit të realizuar nëpërmjet krijimit të një sipërmarrje të përbashkët të tre shoqërive të reja (Joint Venture) me funksione të plota dhe kontroll të përbashkët nga LG Electronics Inc.dhe Lufthansa Technik AG”.

Baza Ligjore: Ligji Nr. 9121, datë 28.07.2003 “Për Mbrojtjen e Konkurrencës”, i ndryshuar, nenet 2, 10-12, neni 24, germa d, dhe nenet 53-64. Rregullorja “Për zbatimin e procedurave të përqendrimit të ndërmarrjeve”, Udhëzimi “Për formën e njoftimit të përqendrimit” dhe formulari i njoftimit të përqendrimit”.

Komisioni i Konkurrencës, pas shqyrtimit të relacionit të Sekretarit të Përgjithshëm si dhe raportit të Drejtorisë së Analizës dhe Metodologjisë, mbi njoftimin e përqendrimit në lidhje me krijimin e një sipërmarrje të përbashkët të tre shoqërive të reja (Joint Venture) me funksione të plota dhe kontroll të përbashkët nga LG Electronics Inc.dhe Lufthansa Technik AG”.

VËREN SE :

Procedura dhe transaksioni

Pranë Autoritetit të Konkurrencës është depozituar dokumentacionin përkatës në lidhje me përqendrimin e realizuar mes LG Electronics Inc. dhe Lufthansa Technik AG, nëpërmjet themelimit të një sipërmarrje të përbashkët (joint venture) me funksione të plota dhe kontroll të përbashkët.

Pala 1: LG Electronics Inc., është një shoqëri e themeluar sipas legjislacionit të Kores, me objekt prodhimin dhe shitjen e aparaturave dhe pajisjeve elektronike, pajisjeve të komunikimit, pajisjeve elektrike, biznese të minierave, import-eksportit, faktoringut, leasing i aparaturave dhe pajisjeve elektronike dhe elektrike, shërbime të instalimit të rrjetit të internetit, të instalimit të elektricitetit, prodhimi dhe shitja e kamerave dhe pajisjeve optike etj .

LG Electronics Inc. është pjesë e grupit LG, një nga liderit botërorë të prodhimit dhe inovacionit të teknologjisë për pajisjet elektronike të konsumit. LG Electronics Inc., nuk është aktive në Shqipëri.

Pala 2: Lufthansa Technik AG është një shoqëri e themeluar sipas ligjeve të Gjermanisë, me objekt të shoqërisë; kryerja dhe marketingu i shërbimeve të inxhinierisë të aviacionit dhe të gjitha shërbimeve në lidhje me to, veçanërisht mirëmbajtja, riparimi dhe rregullimi i pajisjeve aeronautike si dhe shërbimet e logjistikës, inxhinierisë, kërkimit dhe zhvillimit dhe shërbimet ndihmëse të lidhura për linjën ajrore dhe pronarëve të tjerë të avionëve.

Lufthansa Technik AG është pjesë e grupit Lufthansa, një nga shoqëritë më të mëdha të ofrimit të shërbimeve të mirëmbajtjes, ndreqjes dhe rishikimit për avionë, makineri dhe pjesë përbërës si dhe një zhvillues dhe prodhues i sistemeve të kabinës.

Lufthansa Technik AG nuk është aktive në Shqipëri.

Sipas marrëveshjes do të krijohen Sipërmarrjet e Përbashkëta (SP):

SP-A, shoqëri e cila do të fokusohet në sistemet e menaxhimit të mjeteve fluturuese dhe të kabinave;

SP-P, shoqëri e cila do të fokusohet kryesisht në sistemet e argëtimit të pasagjerëve gjatë fluturimit dhe të sistemet e lidhura me monitor;

Ortakët themelues të SP-A dhe SP-P do të jenë Lufthansa Technik AG, i cili do të nënshkruaj dhe pas regjistrimit do të mbajë 51% të kapitalit të regjistruar të SP -A dhe SP -P; dhe LG Electronics Inc., i cili do të nënshkruaj dhe pas regjistrimit do të mbajë 49% të kapitalit të regjistruar të SP-A dhe SP-P.

SP-S, shoqëri e cila do të zotërohet bashkërisht dhe më masë të njëjtë nga SP-A dhe SP-P dhe do të jetë përgjegjëse për shitjen, marketingun dhe shërbimet e konsumatorit të nivelit të parë për produktet dhe shërbimet e SP-A SP- P.

Palët në transaksion plotësojnë kriteret e përcaktuar në nenin 10, pika b) dhe nenin 12, pika 1 të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar dhe si rrjedhojë ky transaksion është objekt autorizimi nga Komisioni i Konkurrencës.

Vlerësimi i përqendrimit

Në zbatim të nenit 3, pika 7, të Ligjit nr. 9121, datë 28.07.2003 “Për Mbrojtjen e Konkurrencës”, i ndryshuar, Udhëzimit nr.76, datë 07.04.2008 “Për përcaktimin e tregut përkatës”, si dhe, duke marrë në konsideratë natyrën e transaksionit e praktikave të Komisionit Evropian në çështje të ngjashme, tregu përkatës i produktit mund të lihet i hapur. Tregu përkatës gjeografik u konsiderua territori i Republikës së Shqipërisë.

Transaksioni i njoftuar është krijimi i një sipërmarrje të përbashkët (joint-venture) me funksione të plota dhe kontroll të përbashkët nga LG Electronics Inc. dhe Lufthansa Technik AG.

Lufthansa Technik AG dhe LG Electronics Inc nuk janë konkurrentë në të njëjtin treg dhe nuk operojnë as në nivele të ndryshme të zinxhirit të produktit. Ky transaksion është një përqendrim konglomerat ku veprimtaritë ekonomike ose produktet e ndërmarrjeve pjesëmarrëse janë plotësuese të njëra-tjetrës.

Shoqëritë Lufthansa Technik AG dhe LG Electronics Inc nuk janë aktive në Shqipëri dhe Sipërmarrjet e Përbashkëta nuk priten të kryejnë aktivitetet në Shqipëri.

Nisur nga sa më sipër, transaksioni i synuar nuk do të sjellë asnjë ndryshim në tregun shqiptar.

PËR KËTO ARSYE:

Komisioni i Konkurrencës, në bazë të nenit 24, shkronja d dhe nenit 56 pika 1 të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar,

VENDOSI:

1. Të autorizojë përqendrimin e realizuar nëpërmjet krijimit të një sipërmarrje të përbashkët të tre shoqërive të reja (Joint Venture) me funksione të plota dhe kontroll të përbashkët nga LG Electronics Inc.dhe Lufthansa Technik AG”.
2. Ngarkohet Sekretari i Përgjithshëm për njoftimin e palëve dhe dërgimin e vendimit pasi të bëhen pagesat që parashikon rregullorja “Për caktimin e shpenzimeve për ndjekjen e procedurave pranë Autoritetit të Konkurrencës”.

Ky vendim hyn në fuqi menjëherë.

KOMISIONI I KONKURRENCËS